

卷二



辨證奇聞卷二

太醫院院使鏡湖氏錢 松著

中風門

人有入室向火一邊熱而一邊寒遂致左頰出汗偶爾出戶遂為賊風所襲覺右頰拘急口喎於右人以為中風之症也而余以為非中風也乃向火而火逼其熱以併於一邊耳若作風治而中實無風和其氣血而佐之以解火之味則火平而喎斜自正也方用和血息火湯 升麻一錢

當歸 五錢

黃芪 三錢

防風 三分

秦艽 一錢

白芷 五分

桂枝

三分

天花粉 二分

甘草 一錢

麥冬 三錢

玄參 五錢

水煎服



一劑輕二劑而喎斜正矣方中以補氣補血爲先而輔佐之藥多用陽明之味者何居蓋陽明之脉起於鼻交於頰中循鼻外入上齒中是兩頰與齒正陽明之部位也升麻白芷乃陽明之經藥也故用之以引入於齒頰而秦艽能開口噤也防風能散風邪也桂枝實表而固榮衛與歸芪玄麥同用自善通經絡而活臟腑矣使真有風邪亦與何處存活矧原無火風之犯不過些小之風自然效應如桴鼓也

人有久痢之後一旦昏仆手撒眼瞪小便自遺汗大出不止喉作拽鋸之聲人以爲中風之症也而余獨以爲不然

蓋此病乃下多亡陰陰虛而陽暴絕也本不可救然急灸
其氣海之穴而陽氣得續亦有生者雖然陽氣回而不用
補氣之藥陽氣隨回而隨絕也方用獨參湯 人參三錢
附子三分煎湯灌之而人不死矣夫氣海之穴前與丹田
相通乃生氣之源也故灸之而陽回非助之以人參則氣
回於無何有之鄉而不能生生於無盡徒爲接續又何益
乎此人參所以爲奪命之藥歟

人有兩手麻木而面亦麻者人以爲中風將見之症也誰
知乃氣虛而不能運化夫血乎夫頭乃六陽之經而向尤
陽之外見也氣旺則陽旺氣衰則陽衰旺則氣行夫血而

面乃和陽衰則氣滯於血而面乃木矣面既木矣而陽氣之衰可知又何能運動於十指間乎毋怪其十指而盡麻也治之法補其氣之虛通其陽之閉而面之麻木解兩手之麻木亦解也方用助陽通氣湯 人參 一錢 白朮 五錢

黃芪 五錢 防風 五分 當歸 二錢 薔薇 五錢 廣木香 五分

附子 二分 烏藥 二錢 麥冬 二錢 茯苓 三錢 天花粉 二錢 水

煎服連服二劑而手之麻木解矣再服二劑而面之麻木亦解矣更服二劑不再發此方大補其氣氣旺而血行又何麻木之有

人有身忽猝倒兩目緊閉昏軍不識人即子孫亦不相識

人以爲中風之危症也誰知絕非中風乃心氣之乏絕乎
夫身中未有不疾盛者也疾盛則直走心經而心氣之絕
則痰涎壅住於膻中而不能開矣雖膻中爲心君之相痰
來侵心膻中先受所以障心而使痰之不能入也然則膻
中本衛心以障痰何反壅痰以害心乎不知心氣旣虛而
膻中亦虛矣膻中旣虛僅可障痰以衛心力難祛痰以益
心況痰氣過盛犯心甚急膻中堅閉夫膜鬲使痰之不
入而心氣因之不通不能上通於大督故目緊閉而不識
人也治之法急補其君相之火而佐之祛痰之味心氣一
通不必開目而目自開目開而人自識也方用四君子湯

加減用之 人參 一錢 白朮 一兩 茯苓 三錢 附子 一錢 竹

瀝 一合 薑汁 一合 薑蒲 三分 水煎服一劑而目開再劑而

人識矣此方用參朮以救心氣之絕然非假附子之力斷不能破圍而直入之也卽用附子而不用竹瀝薑汁則痰涎間隔恐附子孤軍而難於斬殺耳又佐之薑蒲者借其鄉導引附子羣藥徑達心宮易施其祛除之力也

人有素性好飲兩臂作痛服祛風治痰藥更加麻木痰涎愈盛體軟筋弛腿膝拘痛口噤語澁頭目暈重口角流涎身如虫行搔起白屑人以爲中風之已成也誰知是脾氣之不足乎凡人後天之補益全借於飲食飲食過多反傷

脾氣脾氣一傷又何能受益乎況酒能散人真氣少飲則益而多飲則損日日貪杯而臟腑之間無非糟粕之氣欲真氣之無傷得乎故體軟筋弛脾虛而不能運也痰涎加盛脾虛而不能化也腿膝拘痛脾虛而不能行也口噤語澁脾虛而氣難接也頭目暈重脾虛而氣難升也至於流涎起屑一則脾虛而不能攝一則脾虛而不能潤也以上諸症總皆脾氣虧損之故不補脾氣又焉能愈哉方用六君子湯加味治之

人參 一錢
白朮 一兩
甘草 一錢
半夏

二錢
陳皮 五分
附子 三分
茯苓 三錢
連服十劑而愈六君

子湯專補脾氣之藥也而又兼善治痰然非加入附子則



不能走經絡而通血脈或疑白朮太多不知白朮健脾而更善去濕多用始能利腰臍而升陽氣則陽不下陷而脾得健其運化之功也

人有怒後吐痰胸滿作痛服四物二陳之湯加芩連枳亮之類香無一應更加祛風之味反致半身不遂筋漸攣縮四肢痿軟日晡益甚內熱口乾形體倦怠人以爲中風於腑也誰知是鬱怒未解肝氣未舒所致本無風症治風反爲風藥所損損氣傷血以成似中風之病也治之法必先仍解其鬱怒而佐之補血補氣之劑益陰益精之味庶幾可救耳方用舒怒益陽湯 熟地 一兩 當歸 五錢 茯苓 二



錢甘草五分 白芍一兩 陳皮五分 麥冬三錢 丹皮三錢 柴

胡一錢 白朮二錢 人參一錢 水煎服十劑而筋不攣縮矣

再服十劑而四肢不痿軟矣後用六味湯大劑煎飲三月

而半身皆遂矣此方即逍遙散而加味者也用參熟麥丹

於逍遙散中實有妙義蓋逍遙散為解鬱之聖藥鬱散而

得補則補始有功而方中全在用白芍一兩以平肝氣肝

平則木不尅土而土有生氣況又有健脾開胃之品以輔

佐而相成所以能反敗而為功也

人有懷抱鬱結筋攣骨痛喉間似有一核結住不下服烏

藥順氣散等藥口眼歪斜兩臂不能伸舉痰涎愈甚內熱

脯熟人以爲偏枯之漸也誰知是肝木之不舒乎夫水最
 無水木鬱則耗水矣水耗則木更難舒木旣不舒木中之
 火又安得而舒乎自然木來剋土而脾胃兩傷脾熱胃燥
 內自生風自見風象正不必外來之風入而始見歪斜之
 症也治之法自必補脾胃之土矣然而徒補脾胃之氣而
 肝來剋土脾胃仍不舒也必須攄肝以扶脾胃之爲得耳
 方用舒木生土湯 白芍 五錢 茯苓 三錢 山藥 一錢 生棗
 仁 二錢 遠志 一錢 甘草 五分 白朮 三錢 熟地 五錢 鬱金 一
 錢 人參 一錢 麥冬 二錢 當歸 二錢 玄參 三錢 水煎服此方

心脾胃肺肝腎兼治之藥也何以謂之舒木生土湯不知



方中雖是兼治之藥而實爲專治肝經也治心者不耗肝
氣也治腎者所以生肝也治肺者使其不來剋肝也治脾
胃者使其不來仇肝也故用羣葯無非滋肝以舒木柔舒
而脾胃有不得其天者乎此舒木生土之名湯實有微意
耳

人有一時猝倒口吐痰涎發狂號叫自坐自起自立自行
目不識人身中發斑數日後攣成瘡癩者此謂真正中風
蓋其人元氣未虛一時爲風邪所中正氣旣盛而邪氣又
不弱於是邪與正相戰而不肯負於是而痰涎生於是而
狂叫起心中如焚坐立不安而目不識人矣內熱旣盛必

由內而發於外故紅斑燦爛於皮膚而火毒難消於肌肉
 因變為瘡為癰矣譬如人家門戶既牢主伯亞旅又健突
 來強盜劈門而入兩相格鬪大聲咤叱怒氣不平喊殺之
 聲如雷如霆戰鬪既酣目裂眦決竟不知同舟之人而非
 敵國之士矣因而火攻燒殺反成焦頭爛額之傷矣然則
 治之法不必助正而惟是祛邪則掃蕩賊風而正氣自安
 矣方用掃風湯 荆芥 五錢 防風 三錢 半夏 三錢 陳皮 一
 錢 天花粉 一錢五分 茯苓 三錢 黃芩 二錢 蘇葉 一錢 水煎
 服一劑而狂定二劑而痰消三劑而斑化瘡癰亦尋愈矣
 此等之症萬人中而生一者也人亦不知是中風真症吾



獨表而出之使人知真中風如此而類中風可照症而治之也

人有素多內熱一旦顛仆目不識人左手不仁人以爲中風之症誰知非真正中風乎此乃腎水不足以養肝肝木太燥木自生風而自仆也此等之症若作風治鮮不立效卽作爲風治則陽旺而陰愈消亦非恰中病情之佳法必須仍補腎水以生肝木則木得其養而左手之不仁可以復愈也方用六味地黃湯加味治之

熟地一兩 山茱萸

五錢

山藥四錢

茯苓三錢

丹皮三錢

澤瀉三錢

白芍一兩

當歸

五錢

白芥子

三錢

柴胡一錢

水煎服

一劑而自能識

人四劑而手知痛癢十劑全愈矣六味地黃丸料非治中風也今用爲奏效者正以其似中風耳以六味滋其腎水又用芍藥當歸以平肝木又加柴胡白芥子以疏通肝氣而消其兩脇之痰水足而木自條達痰去而氣自疏通內熱頓除外體自適亦何至左手之不遂哉

人有身忽自倒不能言語口角流涎右手不仁肌膚不知痛癢人以爲氣虛而中風也夫氣虛則有之而中風則未也此病乃心氣旣虛不能行氣於胃而胃氣又虛則胃自生熱蒸其津液結爲痰涎壅塞隨道不能行氣於心卽堵截其神氣出入之竅故神明昏亂神明無主則舌縱難言

廉泉穴開而口角故流涎沫也一身能運者全藉氣以行
之也今氣既大虛不能行於四肢則手自不仁右手者左
氣之所屬也氣不能行於肌膚則痛癢不知矣此等之症
若作風治未有不死者即於補氣之中而加入祛邪之藥
即或苟延性命亦必成半肌之風矣故半肢之風皆錯認
中風而成也治之法宜用六君子湯加入附子治之 人

參 一錢 白朮 二兩 黃芪 二兩 半夏 三錢 茯苓 五錢 甘草 一

錢 附子 一錢 陳皮 一錢 水煎服一劑而出聲二劑而痰涎

收一連十劑而前症盡愈夫參苓芪朮補氣之聖藥也加
入附子則將軍有威令徧達於諸經之內豈獨心胃之相

通使痰涎之不壅塞乎所以奏功之能神也

人有無故身倒肉跳心驚口不能言手足不能行動痰聲如酣惟雙目能動人以爲因痰而中風也嗟乎此痰病而非中風也天下怪病多生於痰而痰病多成於濕痰濕之結而不散往往有見鬼神而猝倒者此病之無故身倒其一也而醫上不知爲痰濕之氣見其倒而卽呼爲中風也悞矣然則治此病不治痰而治風適足以招風而生變卽不治風而惟治痰亦不能消痰而殫災必須大補其氣血氣旺而痰自化血盛而痰自去也方用十全大補湯

人參一錢
黃芪一兩
當歸五錢
白芍三錢
茯苓五錢
白朮